

**Iván Rodríguez Jiménez**, secretario do Xurado Provincial de clasificación de montes veciñais en man común de Ourense

**CERTIFICO:**

Que na sesión do **2 de setembro de 2020** o Xurado adoptou, entre outros, o seguinte acordo:

II. No relativo ao expediente de clasificación como veciñal en man común dos monte denominado “Ouzal”, a favor da CMVMC da parroquia de Bangueses, no Concello de Verea, os seus representantes non acudiron a reunión, a pesares de seren citados.

O Xurado advirte que no informe inicial remitido polo Servizo de Montes había un erro no número do polígono da parcela catastral 9005, xa que se corresponde co polígono 97 e non co 27.

Polo demais, e revisada a documentación obrante no expediente, o Xurado acordou a clasificación do monte, unha vez publicado polo Concello o edicto do inicio da clasificación como monte veciñal en man común polo período dun mes sen que se presentasen alegacións, publicado tamén o edito no DOG e recibida a certificación do Rexistro da Propiedade.





## RESOLUCIÓN DO XURADO PROVINCIAL DE MONTES VECIÑAIS EN MAN COMÚN DE OURENSE POLA QUE SE CLASIFICA O MONTE DENOMINADO “OUZAL”, NO CONCELLO DE VEEA.

En cumprimento do disposto no artigo 28 do Regulamento para a execución da Lei 13/1989, do 10 de outubro, de montes veciñais en man común, aprobado polo Decreto 260/1992, de 4 de setembro, e de conformidade co disposto no art. 45 da Lei 39/2015, de 1 de outubro, do Procedemento Administrativo Común das Administracións Públicas, faise público que o Xurado Provincial de Clasificación de Montes Veciñais en Man Común de Ourense, en sesión que tivo lugar con data 2 de setembro de 2020, adoptou a seguinte resolución:

Examinado o expediente de clasificación como veciñal en man común do monte denominado *Ouzal a favor dos veciños/as da parroquia de Bangueses (San Miguel), no concello de Verea (Ourense)*, resultan os seguintes feitos:

Primeiro.- Con data 30 de xullo de 2018, tivo entrada no rexistro da Xefatura Territorial da Consellería de Medio Rural escrito dirixido ao Xurado Provincial de Clasificación de Montes Veciñais en Man Común de Manuel Álvarez Fernández e José Antonio Cortés Álvarez, no que solicitaban a clasificación como veciñal en man común de varias parcelas denominadas *Ouzal*.

Segundo.- Con data 4 de xuño de 2019, o xurado provincial acorda iniciar o expediente de clasificación como veciñal en man común do referido monte, designando instrutor e realizando as comunicacións e publicacións ás que fan referencia os artigos 20, 21 e 23 do regulamento para a execución da Lei 13/1989, do 10 de outubro, de montes veciñais en man común, aprobado polo Decreto 260/1992, do 4 de setembro, abrindo un período de un mes para a práctica de alegacións.

Terceiro.- Con data 10 de decembro de 2019 D. Manuel Álvarez Fernández presentou escrito de alegacións contra o acordo de inicio do expediente de clasificación. Nos mesmo indicaba que existía un erro cando se facía referencia ao polígono 27, xa que en realidade era o 97. O día 26 de xuño de 2020 o Servizo de Montes da Xefatura Territorial de Ourense informou que efectivamente se cometeron dous erros no número do polígono da parcela catastral 9005, xa que se corresponde co polígono 97 e non co 27. Polo que o Xurado Provincial acordou realizar a oportuna modificación, de acordo co citado informe.



Cuarto.- O monte obxecto de clasificación, de acordo coa documentación obrante no expediente, descríbese así:

Nome do monte: Ouzal.

Superficie: 6,31 ha.

Pertenza: CMVMC da parroquia de Bangueses (San Miguel).

Parroquia: Bangueses (San Miguel).

Concello: Verea.

Descrición dos predios que constitúen o monte:

Os terreos obxecto da solicitude constitúen un único couto redondo, segundo a definición que figura no artigo 8 da Lei 7/2012, do 28 de xuño, de montes de Galicia. As parcelas catastrais están separadas por camiños que corresponden á parcela catastral nº 9018, do polígono 96, e á parcela catastral nº 9005, do polígono 97, do concello de Verea. O monte está constituído polas tres parcelas catastrais seguintes:

Concello	Polígono	Parcelas
Verea	96	1168
	97	567-568

a) Perímetro exterior:

Parcelas catastrais lindeiras:

Linde	Concello	Polígono	Parcelas/Ref. catastrais
Norte	Verea	96	9009-9018
Leste	Verea	97	21-22-23-24-25-26-27-28-29-31-32-33-34-37-38-39-40-41-42-43
Sur	Verea	97	72-9005
Oeste	Verea	96	9018

b) Perímetro interior (encravados):

Como xa se citou anteriormente as parcelas catastrais que constitúen o monte están separadas por camiños que corresponden á parcela catastral nº 9018, do polígono 96, e á parcela catastral nº 9005, do polígono 97, do concello de Verea.

Fundamentos de dereito:

Primeiro.- O Xurado Provincial de Clasificación de Montes Veciñais en Man Común é o órgano competente para coñecer os expedientes de clasificación dos montes que teñan tal carácter.





ter, de acordo co establecido no artigo 9 da Lei 13/1989, do 10 de outubro, de montes veciñais en man común.

Segundo.- De conformidade co disposto no artigo 1 da devandita Lei “son montes veciñais en man común... os que, con independencia da súa orixe, as súas posibilidades produtivas, o seu aproveitamento actual e a súa vocación agraria, pertencen a agrupacións veciñais na súa calidade de grupos sociais e non como entidades administrativas, e se veñan aproveitando consuetudinariamente en réxime de comunidade sen asignación de cotas polos membros daquelas na súa condición de veciños”.

Terceiro.- É reiterada doutrina da sala contencioso-administrativo do Tribunal Supremo que son dúas as notas características dos montes veciñais en man común: unha, o aproveitamento consuetudinario en man común, e outra, a atribución da titularidade dese aproveitamento ós veciños integrantes dun grupo social determinado, independentemente da súa cualificación ou non como entidade administrativa, correspondendo constatar o aproveitamento e atribuír a titularidade a favor do grupo social que o veña gozando ao Xurado Provincial de Clasificación.

Cuarto.- O carácter de monte veciñal en man común tense acreditado mediante as testemuñas dos veciños solicitantes, as actuacións realizadas polo servizo de Montes, e a documentación que consta no expediente.

En consecuencia co que antecede, examinada a Lei 13/1989, do 10 de outubro, de montes veciñais en man común, o seu regulamento, aprobado polo Decreto 260/1992, do 4 de setembro, o Decreto 149/2018 de 5 de decembro, polo que se establece a estrutura orgánica da consellería do Medio Rural e demais normativa legal e regulamentaria, o xurado provincial por unanimidade dos seus membros,

Resolve:

Clasificar como monte veciñal en man común o monte denominado *Ouzal a favor dos veciños/as da parroquia de Bangueses (San Miguel), no concello de Vereá (Ourense)* de acordo coa descrición realizada no feito cuarto.




Contra esta resolución, que pon fin a vía administrativa, poderase interpoñer recurso potestativo de reposición perante o Xurado Provincial de Clasificación de Montes Veciñais en Man Común de Ourense no prazo dun mes, ou ben directamente recurso contencioso administrativo perante o Xulgado do contencioso administrativo de Ourense, no prazo de dous meses contados desde o día seguinte ao desta notificación, de acordo co disposto no artigo 12 da citada Lei 13/1989, nos artigos 123 e 124 da Lei 39/2015, de 1 de outubro, do Procedemento Administrativo Común das Administracións Públicas, e nos artigos 8 e 46 da Lei 29/1998, do 13 de xullo, reguladora da xurisdicción contencioso-administrativa.

Ourense, na data da sinatura

O Presidente do Xurado Provincial de Montes  
Yago Borrajo Sánchez





Documento asinado electrónicamente





**SOLICITUDE DE CLASIFICACIÓN COMO MVMC DO MONTE "OUZAL" A FAVOR DA CMVMC DE SAN MIGUEL DE BANGUESES (CONCELLO DE VEREA)**

XUNTA DE GALICIA  
CONSELLERÍA DO MEDIO RURAL  
SERVIZO DE MONTES DE OURENSE

LENDAS	
	TERREOS INCLUIDOS NA SOLICITUDE (6,31 HA)
	PARCELAS DO POLÍGONO 96
	PARCELAS DO POLÍGONO 97
	RESTO DE PARCELAS CATASTRAIS

SISTEMA DE REFERENCIA ETRS89	
COORDENADAS UTM	FUSO 29
ESCALA 1:3500	FEBREIRO DE 2019
BASE CARTOGRÁFICA: PNOA 2017 E CARTOGRAFÍA VECTORIAL DA "DIRECCIÓN GENERAL DEL CATASTRO"	